

1590

FIRPO

3610

BIBLIOTECA NAZIONALE
TORINO

⁴²/₁₄ ²⁰⁰⁰ ^{Roma}
ANTONII
BVCCAPADVLII
DE PONTIFICE MAX.
DECLARANDO.

AD AMPLISSIMOS S.R.E. CARDINALES.
O R A T I O.

Habita in Basilica B. Petri VII. Id. Septemb.

ANNO M D X C.



SVPERIORVM PERMISSV.

ROMÆ, Ex Officina Marcantonij Muretti. M D X C.

AMT ON II

BYCCADALLI

OF BONTICE MAX

WEL A M D O

WEL A M D O

O R A T I O

WEL A M D O


WEL A M D O



A N T O N I I
B V C C A P A D V L I I
D E P O N T I F I C E M A X .
D E C L A R A N D O .

Ad Ampliſſ. S. R. E. Cardd.

O R A T I O .



SAEPE mecum ipſe cogitās miratus ſum Pa-
tres Ampliſſ. quid cauſæ ſit, cur, cum cæteris
in rebus, ſiue illæ conſtent natura, ſiue huma-
na induſtria; atq; opera exiſtant, contrario-
rum contraria ſint conſequentia, non idem
quoque accidat in dicendi facultate? Nam
ſi ut quidque obſcurum maxime eſt, ita maxime difficile
explicatu eſt; certe clariffimis in rebus explicatiſſima eſſe
deberet oratio. Nunc autem experimur eam harere, non
minus in rebus apertiffimis, quam in abditiffimis. Credo,
quia in his argumentis deſicimur, in illis multitudine, &
copia retardamur, ac pæne obruimur. In hac tamen com-
muni vtriſque de rebus dicendi difficultate illud intereſt.
Habet reconditarum, inuolutarumque rerum, quod ad ea-
rum natura fert explicatio magnam ingenij commendatio-
nem: in medio poſitarum patèriūq; exquisitis rationibus
confirmatio; iuſtam tardi; ineptiq; hominis reprehentionē;
quam ne is quidem poſſet effugere, qui vellet præctara ali-
qua de re, eademq; a communi intelligentia remota; apud
eos dicere, quibus res illa eſſet perſpecta, & cognita, per-

specta, & cognita perspectior multo quā huic ipsi, qui diceret. Hæc mihi verenda magnopere esset reprehensio Patres Amplifs. Quid enim facilius est quā videre, qualis Catholica Ecclesiæ exoptatus sit Pontifex? qui sit rerū status? quæ sint vestrae partes in deliberando, quid spectandū, quid laborandū vobis maxime sit? quā sint Catholici omnes metu suspensi, quæ sint eorum preces, quæ vota? Quid autē difficilius, quam tantis de rebus, pro earum dignitate differere? Quid ineptius, quam apud vos Patres differere? qui propter excellentem doctrinam, de rebus difficillimis, maximisq; verissime iudicatis, propter singularem prudentiā, quid quaque in re factio opus sit tenetis: propter eximiam pietatem, nullum in rebus optimis cuiusquam cohortatio in locum relinquitis. Tardus igitur, ineptusq; fuisset, hoc dicendi munere suscipiendo, nisi iustam habere in excusationem necessitatis eorum voluntati obtemperandi, quibus negare nullo modo possem. Sed videndum mihi etiā, atq; etiam est, quid mei in parendo officij sit; ne qui recusando contumaciæ crimen vitare non potuissem, dicendo in hominis parum considerati reprehensionem incurram. Temperanda igitur mihi oratio est; ac tali quādam dicendi ratione utendum; non ut hæc, quæ proposui capita persequar quo ad possim diserta, & copiosa oratione; sed ut exponam cur ea tantum indicem, leuiterq; attingam, ac penē silentio prætereā. Sic enim & illorum voluntati inserviam, qui me huc necessitatis impulerunt; & non minimam mei muneris, magnam autem, ut par est, loci huius amplitudinis rationē ducā. Versatur nunc vestra cura, ac diligentia, in declarando Pontifice Maximo; hoc est, in re omnium maxima, omniq; ex parte, si vere volumus cogitare, tum vobis ad deliberandum, tum ei, quem declarabitis ad sustinendum longe difficillima. Solet autem propositæ, susceptæq; rei magnitudinis consideratio animum excitare, metumq; iniicere ne quid forte committatur, omittatur ue secus quam res ipsa exposcat. Constat porro Pontificē

Max.

Max. sustinere munus Christi institutione vetustissimum; dignitate summum; curatione nullis orbis terrarum regionibus circumscriptum; stabilitate contra omnes machinas satanæ cælesti præsidio munitum; diuturnitate nullis sæculorum ætatibus interiturum; potestate Deo proximum: his autem omnibus de causis augustissimum, sanctissimum, omniq; honore, & veneratione prosequendum. Non necesse habeo hæc, quæ paucis præstrinxi dilatare; ipsi enim optime omnium nostis, qualia, quantaque sint, quam propemodum infinita. Qualem verò Pontificem à vobis Ecclesia requirat, perfacile est dicere vniuersæ Talè requirit, qualem res ipsa exposcit, hoc est eum, qui tanto muneri sustinendo, gubernando, gerendo idoneus maxime sit. Verum hæc vulgaris quædam, & adumbrata notitia est. Vos autem Patres perfectissimas quasque Põtificis virtutes spectare certum habemus: neq; coniectura aberrabimus si inter ea, quæ vobis suggerit sanctus Dei timor, & caritas, quæ sine dubio maxima esse oportet, existimabimus talia vos etiam cū vestris animis cogitare. Eum maxime summo hoc loco, & munere dignum esse, maximeq; idoneum, cui Christi grex committatur, qui cum doctrina, prudentia, pietate excellat, virtutem illam in primis colat, quam summi, sanctissimiq; viri cæterarum virtutū fundamentum, matrem, magistrā, custodem appellant, humilitatē dico, qua vna statuūt perfectam totius Christianæ sapientiæ normam contineri. Qui in hac ipsa virtute erecto, celsoque animo sit, vt magnā loci, munerisq; sui primum ipse rationē habeat, tum à cæteris haberi velit, sic vt, quod ait B. Gregorius, neque sit humilitas timida, neq; erectio superba. Qui cogiret quam non modo non appetendus sit Pontificatus; sed omni etiā conatu fugiendus: cum intelligat quanta res sit in maximis fluctibus, ac procellis gubernare, neque se tempestatibus abripi sinere, sed contra niti, ac velis remisq; contendere, cursumq; recta ad portum tenere: quam verendum sibi illud sit, quod interdum quærebatur Pontifex Innocen-

B. Chryf.
in Matt.
15. to. 2.
B. Berna
to. 1. in r
dom.
B. Greg.
23. mor.
B. Leo.
7. in Epi
B. Græ
Lib. 4. ep
c. 80.

tius. Veni in altitudinem maris, & tempestas demersit me
quam difficile sit in tanta rerum procuracione, tanta prædi-
tum potestate, tam multa necessario alijs mandâtem, alijs
tribuentem, alijs negantem, omnia Dei voluntatis gloriæq;
adhibita ratione administrare, eo cuncta dirigere; id vnum
spectare, nūquam inde oculos deicere: quâtopere infinita
illa curatione, Ecclesiarumq; omnium solitudine distra-
hatur animus ab illa voluptate, qua interdum fruitur, dum
omnibus curis solutus coelestes, diuinæsq; res contempla-
tur: quam optabilior sit vita priuata, quam hæc tam multis
molestijs referta: quam fallantur qui in Pontificatu quie-
tem, & tranquillitatem quærunt; cum oporteat Pontificem
vnum pro omnibus vigilare, & laborare. Qui item cogitet
quanta sibi sit Christi pauperum cura suscipienda. Hec est
enim vera gloria, non imperitæ multitudinis sermonibus;
sed perpetuis, vt sapiens ille ait Ecclesiæ sanctorum laudi-
bus celebrata, atq; in Deo fixa; stabilita sunt, inquit, bona
illius in Domino, & elemosynas illius enarrabit omnis Ec-
clesia sanctorū. Qui igitur statuât, Christi pauperes com-
plectendos sibi esse, tum misericordia, tum benignitate, quod
fecisse olim Gregorium illum magni legimus, proximeq;
alterum facientem vidimus; O nostrum Gregorium egen-
tium patrem, vtinam tui simili perfruamur. Qui denique
præclaras quasdam alias; magni illius virtutes; quas hic
noster etiam coluit, imitetur; quas vt ille multas vno fa-
cto, sic ego breuissima narratione comprehendam: Miserrat
ei nescio quid muneris Messana eius ciuitatis Episcopus,
scripseratq; vt conijci potest, se id mittere Romano Ponti-
fici veteri Ecclesiæ suæ consuetudine. Noluit Gregorius,
vt erat vir pari humanitate ac sanctitate præditus reijce-
re, ne quid forte Episcopus molestiæ caperet, quasi parum
gratum Pontifici munus misisset. Quid ergo? accepit ille,
nec multo post vendidit, præteritumque remisit cum epistola
in hanc sententiam. Se eas consuetudines quæ essent Ec-
clesijs ad ferendum graues, quantum quidem ad suas ra-
tio-

nocen. 3.
lib. 178. ad
ob. & cō-
n. Cister-
n.
al. 68.

Greg. lib.
epist. 5.

Greg. epi-
s. lib. 6. c.
59.

ecle. 31.

Greg. ep.
b. 1. c. 64.

tiones attineret, remittere. Si quid clericis tribui mos
esset, eum morem manere velle; sibi munera ab eo mitti,
qui a se expectare deberet, æquum non esse. Ne quid
amplius mitteret prohibere. Sic ille, vos suo quamque
rem momento ponderate. Hæc de Pontificis virtutibus
à me breuiter collecta, aliaque per multa in hoc genere
a Sanctis Patribus fuisse, diserteque tractata, sæpe uos
ex ipsis fontibus hausisse, magnaque cum voluptate nunc
degustasse certum habeo Patres amplissimi, quamobrem
illa animi vestri causa magis, quam quod esse necesse arbi
trarer, attingenda existimaui. Dicerem nunc vniuersæ de
Catholicæ Ecclesiæ statu, nisi omnes videremus, tam mul
tis catholicis olim prouinciis, partim impiorum vi, atque
armis oppressis, partim sponte sua, o summam miseriam,
sponte sua, dum audiunt voces alienorum, quas non secus,
ac certissimas pestes vitare debuissent, deserta Ecclesia
perditis quanta iactura sit facta, quantopere de his omni
bus recuperandis, reuocandis, sanandis, deq. Christi nomi
ne, & gloria quam latissime propaganda laborandum sit:
qui motus nuper sint excitati, quam ferueant, quam graui
in periculo, quam præsentis res sint, quam multa sint, cum
in cæteris Ecclesiæ locis, tum in hac ipsa vrbe, constituen
da, corrigenda, tollenda quantum ad hæc omnia præsidii
situm sit in vnius Pontificis sapientia, & sanctitate tantum
nimirum, ut hoc vno præsidio sublato, spes melius aliquan
do fore iam reliqua nulla sit. Hinc facile apparet, quod
tertio dicendi loco positum erat, quæ sint uestre partes tam
gravi in re, tam necessaria, tam diuina, quantopere debeat
is hoc vnum dies, noctesque agere, huc cogitationem in
dustriamque omnem conferre, hoc omnibus prudentiæ, di
ligentiæq; vestre neruis contendere, ut optimum Eccle
siæ Pontificem detis. Impudentissimus sim si vos commo
nendos, aut cohortandos censeam, quos certum habemus
nihil aliud velle, & conari. Sed non dissimulabo, quid
maxime pertimescamus, Facit enim vestra singularis hu
ma-

manitas, in meque attente audiendo benignitas, ut audeā paulo liberius exponere, quid cum in omni de republica deliberatione, tum in hac maxime, omni studio sit cauendum, est enim, quod cauendum censeo, rectis consiliis maxime aduersariorum. Quid ergo illud est? Ne quis forte in deliberando adhibeat in consilium suarum rationum cogitationem. Nihil enim potest fieri peruersius, nihil deterius quam cum de rebus publicis deliberatur priuatæ utilitatis calculis subductis, nihil ueri, falsique iudicium conturbat magis, Vt, etiam si quis maxime cupiat recte iudicare, tamen hac tabe correptus, putet rectum id esse, quod est re sua esse intelligat, quod certe ea liber nunquam putaret. Oportet in re publica gubernanda, priuatas cuiusque rationes e communibus pendere, non e priuatis communes. Hoc uero peruerso ordine, scitis quid interdum acciderit æquissimo Dei iudicio, ut in quo quisque maxime rerum suarum spem locatam habuisset, cum ea adductus spe, se se ad illius partes adiunxisset, atq; omni cōtentione pugnas- set, & peruicisset eo iā ad gubernacula admoto, omni illa de spe decideret, sentiretq; se neque publicis, ut oportuit, neq. suis, quod minime debuit, priuatis rationibus cōsuluif se. Hoc vnum modo absit, reliqua ex sententia cōsequetur. Ab erit autem Vos enim in tanto rerum, ac temporum mo- ru, & conuersione, in tanta Ecclesiasticæ disciplinæ omni- bus in locis perturbatione, ac pene interitu, in tanta morū vbiq; deprauatione, vestra præstanti pietate dignam, at- que hoc rerum statu per necessariam cogitationem susci- pietis. Ardet bello Gallia, hoc est optima Christianæ rei- publicæ pars. Obsidetur à Duce Sabaudix Catholicæ reli- gionis propugnatore, atq; assertore inuicto Geneva, hoc est teterrima omnis impietatis sentina. Facta est alienis vecti- galis, multis ante calamitatibus afflicta prouincia Auenio- nensis vetus sdis Apostolicæ patrimonium. Cæteras Chri- stianæ reipublicæ necessitates, malaq. omnia nominatim persequi, & exaggerare infinitum esset, minimeq. necessa-
rium,

rium, vos enim ea cogitatione perspicitis, tacitoq. sensu cō
 mouemini. His necessitatibus auxilium ferendum, his
 vulneribus, his malis, tam multis, tam grauib, tam exul-
 ceratis medicina a Pontifice est adhibenda. Vestra igitur
 nunc fidei, sapientiæ, potestati, in declarando Pontifice cō
 missum est quidquid potest dignitatis, salutisque expecta-
 ri. Vos Patres contendetis, ut Ecclesiæ rebus prospicia-
 tis, nos expectatione suspensi erimus. vtrique autem neces-
 sario metu anxij. Etenim maximarum rerum deliberatio;
 maximas curas, metusque afferat necesse est tum iis, quo-
 rum consilio, & prudentia decernuntur: cum cæteris omni-
 bus, ad quos eæ res pertinere possunt. Quid ergo nos potif-
 fimum angimur? Cogimur eadem illa iterare, vos timori
 nostro ignoscite. Hoc vnum inquam pertimescimus, ne
 quid satan perperuus Christi, Ecclesiæq. hostis turbet: ne
 ve obstat quominus eum Pontificem habeamus, quo ma-
 gnopere indigemus. Id vero efficeret, si posset vllum apud
 aliquem vestrum, locum inuenire priuatirationibus con-
 sulendi. Scit enim hostis terribissimus inimicum hoc Deo cō
 silium esse, a carnis nimirum, quæ Deo inimica est pruden-
 tia profectum, efficereque vt frustra, illius opem, quod nūc
 fecimus. imploremus. Quid enim in sacro sancto, quod nūc
 per actum est mysterio precati sumus? Vobis autem Patres
 in ista tam graui deliberatione precabamur. Veni sancte
 Spiritus, reple tuorum cordu fidelium, & tui amoris in eis
 ignem accende. Videtis certe aliud esse amoris tui, aliud
 cuiusque sui, Res autem suas priuatas laborare, eoq; con-
 silia referre, est hominis seipsum diligentis. Deus caritas
 est, requirit igitur in nobis eam in primis virtutē, qua nos
 ei proxime ad similitudinem accedimus, nostram, scilicet,
 caritatem. Caritas autem, non æmulatur, non est ambitio-
 sa, non quarit, quæ sua sunt. Immo vero, quod Apostolus
 non suadebat modo, sed etiam faciebat, req; ipsa compro-
 babat anteposit suis aliena, modo inde crescat Dei glo-
 ria. Quāquam, quæ potest esse ista, in constituendo Ec-
 cle-

Rom. 8

1. Ioan
 B Chr
 in com
 Paul. t
 1. Cor
 Philip
 B. Am
 eum le

ecclesiæ bono suarum rerum ab alienis distinctio? Quo de re
totius Ecclesiæ est, idem quoque è re cuiusque maxime est.
Cæteris in rebus liceat ista secernere, in declarando pasto
re, & principe nihil potest esse vtilius singulis, quam quod
vtile est vniuersis. Conabitur satan contraria omnia sua
dere. Sed speramus fore, vt quo quisque sentiet magis ta
les sibi cogitationes a callidissimo hoste immitti, aliis sci
licet rationibus contineri priuatas vtilitates, alijs publi
cas, quo grauius apertiusq. se his cogitationibus peri in
telliget, eo ipse se colligat magis, eoque acrius in Christi
causam incumbat, diuinamque opem, (quid enim ab ea
deserti possumus recte, aut agere, aut cogitare?) imploret.
Implorabimus nos quoque tum quotidianis supplicatio
nibus, tum priuatis etiam precibus huius Sanctæ Basilicæ
sacerdotes, cæterique omnes, qui astant, que prope, qui lō
ge absunt, omnium ordinum pietate, & sanctitate pra stan
tes viri, per hōs omnes dies, quibus vos collecti, inclusi que
hæc vna in re occupati eritis, vestramque virtutem nostris.
votis prosequemur. Ad erit vestris conatibus, piornmq,
omnium precibus Christus, qui si forte erit nobis iratus
(agnoscimus enim omnes nostra crimina, veremurque il
lud Prophetæ, Dabo tibi regem in furore meo, & auferam
in indignatione mea, dat enim iratus Deus malum princi
pem, iratus item aufert bonum,) si forte igitur erit nobis
iratus Christus Dominus, & Deus noster, aderit Maria, ma
ter, & virgo sanctissima, quæ cum conspexit Ecclesiæ suæ,
cuius causa nunc maxime agitur, amore comprehensum,
cæsum, dilaniatum, cruci clauis affixum, extinctum, nec sic
etiam satiata inimicorum crudelitate, transuerberatum,
quem è cruce depositum cōplexa, in sinu, gremioq. (quod
illa, quam cernimus excellentis artificis imago nos admo
net) collegit, cuius vulnera demirata, deosculataq. lacry
mis compleuit, abluit. Hæc filium orabit, obtecrabitque
per eos omnes quos ille pertulit cruciatus, perq. cum do
loris sensum, quem non minorem ipsa animo, quam ille to
to

ro corpore acceperat, ut vestris mentibus lumen præferat,
ostendatque quem potissimum eligere debeatis. Impe-
trabit à tali filio, talis Mater, nosque vestro studio, summo-
que illius beneficio optimo Pontifice fruemur, immorta-
lesque eius bonitati gratias agemus.

F I N I S.



787430

P. I. N. I. A.

